

2006ko otsailean bidaiarien sarrerak %7 gehitu dira

2005eko otsailaren aldean, bestalde, bidaiariek %10 gau gehiago igaro dituzte.

EUSTATen datuen arabera, 2006ko otsailean 116.817 bidaiarik hartu zuten ostatu Euskal Autonomia Erkidegoko hoteletan, hau da, aurreko urteko hilabete berean baino ia 8.000 gehiagok eta, horrenbestez, %7ko gehikuntza izan da. Bidaiarien sarrera kopurua gehitu egin da Gipuzkoan (%10) eta Bizkaian (%9), baina Araban horien kopurua %2 gutxitu da.

Estatutik etorritako bidaiarien sarrerak %7ko gehikuntza izan dute eta atzeritik etorritakoen sarrerak %8koa. Estatuko bidaiari kopuruak gora egin du Gipuzkoan (%12) eta Bizkaian (%7). Araban, berriz, apur bat jaitsi da (-%3). Atzeritar kopuruak gora egin du, batez ere Bizkaian (%17), eta gutxiago Gipuzkoan (%1). Araban atzeritar kopuruak behera egin du (-%2).

Estatutik etorritako bidaiarien kasuan, batez ere Madriletik, Kataluniatik, Andaluziatik, Aragoitik, Asturiastik, Extremaduratik eta Galiziatik etorritakoen kopurua gehitu da. Kanarietatik eta Gaztela Mantxatik datozenen kopurua soilik jaitsi da. Atzeritarren kasuan, bidaiari gehiago etorri dira Alemaniatik, Italiatik, Portugaldik, Iberoamerikatik eta AEB-Kanadatik; aitzitik, Frantziatik, Erresuma Batutik eta Holandatik etorritakoen kopurua gutxitu egin da, besteak beste.

2006ko otsailean 209.715 gau igaro dituzte bidaiariek; hau da, aurreko urteko otsailaren aldean gaua igaro dutenen kopurua %10 gehitu da, guztira ia 20.000 gau gehiago igaro baitituzte. Igarotako gauek urte arteko bilakaera positiboa izan dute Gipuzkoan eta Bizkaian (%18ko eta %10eko gehikuntzarekin hurrenez hurren), baina Araban %4 gau gutxiago igaro dira.

Batez besteko egonaldiaren iraupena gehitu egin da Euskal Autonomia Erkidego osoan: aurreko urtean batez besteko hori 1,75 egunekoa izan zen eta 2006ko otsailean 1,80 egunekoa. Indize honek gora egin du Gipuzkoan (iazko otsailean 1,71 egunekoa izan zen eta aurtengo otsailean 1,84 egunekoa izan da). Bizkaian ez da aldatu (kasu bietan batezbesteko egonaldia 1,78 egunekoa izan da) eta Araban behera egin du (1,75 egunetik 1,73 egunera).

Plazen okupazio mailak %1eko gehikuntza izan du; aurreko urteko otsailean %35,84koa izan zen eta aurtengo otsailean %36,36koa. Gehikuntza hau Gipuzkoari bakarrik dagokio (%16). Logelen okupazio maila %47,44tik %46,88ra jaitsi da EAEan. Bilakaera negatibo honek Araban (-%7) eta Bizkaian (-%11) izan du eragina, baina ez Gipuzkoan (+%17).

Nekazalturismoa: Bidaiarien sarrerak gehitu ziren (%15), baita bidaiariek igarotako gauak ere (%16)

Otsailean 5.368 bidaiari izan dira Euskal Autonomia Erkidegoko nekazalturismoetan, hots, aurreko urteko hilabete berean baino %15 gehiago; bidaiari kopuruak %40ko gehikuntza izan du Araban, %12koa Bizkaian eta %10ekoa Gipuzkoan. Estatutik Euskal Autonomia Erkidegora etorritako bidaiarien kopurua guztira %17 gehitu da: Araban %44, Bizkaian %14 eta Gipuzkoan %12. Atzerriko bisitariak %17 gutxiago izan dira Euskal Autonomia Erkidegoan oro har. Hiru lurraldeetan egin du behera kopuruak: Araban (-%56), Gipuzkoan (-%16) eta Bizkaian (-%7).

Otsailean, guztira, 12.048 gau igaro dira Euskal Autonomia Erkidegoko nekazalturismoetan. Beraz, aurreko urteko hil beraren aldean %16 gehitu da gau kopurua. Urte arteko hazkunde tasak positiboak izan dira hiru lurraldeetan: Araban (%32), Gipuzkoan (%19) eta Bizkaian (%4).

Bidaiari bakoitzeko egonaldia, batez bestez, igo egin da Euskal Autonomia Erkidegoan, 2005eko otsaileko batezbestekoaren aldean. Aurreko urtean 2,22 egun ziren eta aurtengo otsailean 2,24 izan dira. Adierazle horrek behera egin du Araban (-%6) eta Gipuzkoan (-%7), baina gora egin du Gipuzkoan (%9).

Plazen okupazio maila %4 gehitu da. Araban gora egin du (%35) eta Gipuzkoan ere bai (%7); Bizkaian, berriz, behera egin du (-%14). Logelen okupazio mailak ehuneko zortzian gora egin du Euskal Autonomia Erkidegoan, aurreko puntuaren lurralde-osaketa berberarekin.

Argibide gehiago nahi izanez gero:*Euskal Estatistika Erakundea / Instituto Vasco de Estadística**Donostia-San Sebastián kalea, 1 01010 Vitoria-Gasteiz**Tel:+34-945-01 75 00 Faxa:+34-945-01 75 01 Posta elek.: eustat@eustat.es**Harremanetarako pertsona: Gerardo Pérez Aja**Tel:+34-945-01 75 06 Faxa:+34-945-01 75 01**Prentsa-oharrak Interneten: www.eustat.es**Datu-bankua: www.eustat.es/bancopx/euskara/indice.asp*

1. taula: Hileko emaitzak

	EUSKAL AE						ARABA						BIZKAIA						GIPUZKOA					
	02/2006	%	02/2005	%	Δ%	02/2006	%	02/2005	%	Δ%	02/2006	%	02/2005	%	Δ%	02/2006	%	02/2005	%	Δ%				
HOTEL-ESTABLEZIMENDUAK																								
GAUALDIAK	209.715	100	190.202	100	10	31.095	100	32.369	100	-4	99.771	100	90.877	100	10	78.849	100	66.956	100	18				
Estatukoak	159.395	76	145.263	76	10	25.218	81	26.636	82	-5	71.936	72	67.154	74	7	62.241	79	51.473	77	21				
Atzerrikoak	50.320	24	44.939	24	12	5.877	19	5.733	18	3	27.835	28	23.723	26	17	16.608	21	15.483	23	7				
Hiriburua	130.106	62	123.102	65	6	24.463	79	26.133	81	-6	66.934	67	62.831	69	7	38.709	49	34.138	51	13				
Kostaldea	22.414	11	18.103	10	24	-	-	-	-	-	8.245	8	7.813	9	6	14.169	18	10.290	15	38				
Barnealdea	57.195	27	48.997	26	17	6.632	21	6.236	19	6	24.592	25	20.233	22	22	25.971	33	22.528	34	15				
BIDAIARIEN SARRERAK	116.817	100	108.718	100	7	18.023	100	18.476	100	-2	55.900	100	51.123	100	9	42.894	100	39.119	100	10				
Estatukoak	90.968	78	84.883	78	7	14.824	82	15.211	82	-3	42.181	75	39.427	77	7	33.963	79	30.245	77	12				
Atzerrikoak	25.849	22	23.835	22	8	3.199	18	3.265	18	-2	13.719	25	11.696	23	17	8.931	21	8.874	23	1				
Hiriburua	73.390	63	70.691	65	4	13.512	75	13.902	75	-3	37.704	67	35.576	70	6	22.174	52	21.213	54	5				
Kostaldea	11.135	10	10.236	9	9	-	-	-	-	-	4.528	8	4.388	9	3	6.607	15	5.848	15	13				
Barnealdea	32.292	28	27.791	26	16	4.511	25	4.574	25	-1	13.668	24	11.159	22	22	14.113	33	12.058	31	17				
BATEZ BESTEKO EGONALDIA	1,80		1,75		3	1,73		1,75		-1	1,78		1,78		0	1,84		1,71		8				
BETETZE-MAILA PLAZAKA	36,36		35,84		1	34,15		36,88		-7	35,07		37,22		-6	39,19		33,68		16				
Hiriburua	38,94		38,08		2	38,93		42,71		-9	39,17		40,16		-2	38,56		32,31		19				
Kostaldea	36,69		32,38		13	-		-		-	29,01		28,59		1	43,36		35,99		20				
Barnealdea	31,50		32,33		-3	23,50		23,44		0	28,87		33,52		-14	38,11		34,89		9				
BETETZE-MAILA GELAKA	46,88		47,44		-1	43,00		46,30		-7	46,27		51,83		-11	49,67		42,47		17				
Hiriburua	51,22		50,54		1	50,91		53,79		-5	51,88		56,30		-8	50,22		39,96		26				
Kostaldea	44,72		41,39		8	-		-		-	36,37		38,46		-5	51,95		44,02		18				
Barnealdea	39,40		42,42		-7	24,87		27,05		-8	37,80		45,76		-17	47,77		46,54		3				
NEKAZALTURISMOA																								
GAUALDIAK	12.048	100	10.396	100	16	1.696	100	1.287	100	32	3.392	100	3.271	100	4	6.960	100	5.838	100	19				
Estatukoak	10.817	90	9.284	89	17	1.612	95	1.129	88	43	3.164	93	2.821	86	12	6.041	87	5.334	91	13				
Atzerrikoak	1.231	10	1.112	11	11	84	5	158	12	-47	228	7	450	14	-49	919	13	504	9	82				
BIDAIARIEN SARRERAK	5.368	100	4.679	100	15	868	100	620	100	40	1.596	100	1.422	100	12	2.904	100	2.637	100	10				
Estatukoak	5.115	95	4.375	94	17	856	99	593	96	44	1.508	94	1.327	93	14	2.751	95	2.455	93	12				
Atzerrikoak	253	5	304	6	-17	12	1	27	4	-56	88	6	95	7	-7	153	5	182	7	-16				
BATEZ BESTEKO EGONALDIA	2,24		2,22		1	1,95		2,08		-6	2,13		2,30		-7	2,40		2,21		9				
BETETZE-MAILA PLAZAKA	15,52		14,86		4	11,95		8,84		35	13,34		15,45		-14	18,32		17,05		7				
BETETZE-MAILA GELAKA	18,93		17,50		8	14,05		10,96		28	16,44		18,97		-13	22,54		19,28		17				

Iturria: EUSTAT